

SARS E AMOGELA SEPHETHO SA KGOROTSHEKO E PHAGAMEGO SA MABAPI LE MRA. ROUX SHABANGU

Tshwane, 18 Oktobere 2024 - Khomišinare wa Ditirelo tša Motšhelo tša Afrika Borwa (SARS), Mra. Edward Kieswetter o amogetše sephetho sa Karolo ya Kgorotsheko e Phagamego ya Gauteng North yeo e pharilego Mra. Ngwane Roux Shabangu ka maikarabelo ka lebakala go palelwa ke go lefela SARS metšhelo yeo e šaletšego yeo a e kolotago le ditheo tša gagwe tšeo di kgokagantšwego. Mra. Shabangu o na le dikgahlego tše mmalwa tša dikgwebo tša go aga le intasteri ya dithoto.

Ka morago ga maitekelo a go tšea sebaka le nako e telele ka SARS a go koleka sekoloto sa motšhelo seo se šaletšego go tloga ka 2019 le go thibela dithoto dife goba dife tšeo di fihlelelegago gore di se senywe tšeo di ka šitišago koleka ya palo ka botlalo ya motšhelo yeo e swanetšego go lefelwa, SARS e dirile kgopelo ya Taelo ya Molao go ya ka Karolo ya 163 ya Molao wa Taolo ya Motšhelo, Molao wa 28 wa 2011. Taelo ya molao e dirilwe kgahlanong le *Majestic Silver 275 (Pty) Ltd*, yeo e lego khamphani e kgolo ya swaro ya thoto yeo e dirišitšwego ke Mra. Shabangu ka boyena le maloko a lapa la gagwe ka boteng bja bona bjale ka maloko a *Roux Shabangu Family Trust*.

Go seo se bego se bonagala bjale ka makatika a tiego ya go thibela go fana ka Taelo ya Molao ya mafelelo, *Majestic Silver 275 (Pty) Ltd* e dirile kgopelo ya boithaipo ya phološo ya kgwebo yeo ka phethagalo, e beago kakaretšo ya phego go ditshepetšo ka moka tša semolao kgahlanong le khamphani go tloga mathomong a ditshepetšo tša phološo ya kgwebo.

SARS e ganane le maitekelo a phološo ya kgwebo ye gomme ka Febereware 2023, e hweditše Taelo ya Molao ya sebakanyana yeo e fegilwego go ya ka karolo ya 133 ya Molao wa Dikhamphani wa 71 wa 2008 ka kgaugelo ya SARS gomme ya thwala Curator Bonis go tšea taolo ya dikgahlego tša *Majestic Silver 275 (Pty) Ltd*, Mra. Shabangu le maloko a lapa la gagwe bjale ka Batshephiwa ba Roux Shabangu Family Trust.

Ka Aporele 2024 SARS e hweditše Taelo ya molao kgahlanong le *Majestic Silver 275 (Pty) Ltd* le Bafetodi ba bangwe. Ditshepetšo tša phološo ya kgwebo ya *Majestic Silver 275 (Pty) Ltd* di beetšwe thoko le go fedišwa.

Sepheto se tšeerwe go dira dikgopelo tša likwideišene kgahlanong le dikhamphani tša Mra. Shabangu le go dira dikgopelo tša kamogo kgahlanong le Mra. Shabangu le *Roux Shabangu Family Trust* fao e lego Motshephiwa, go ya ka Karolo 177 ya Molao wa Taolo ya Motšhelo, Molao wa 28 wa 2011.

Ka Setemere 2024, dikgopelo tša likwideišene le Kamogo di ile tša phenkgišanwa ka Kgorotsheko e Phagamego ya Gauteng North. Kgorotsheko, morago ga therišano, e file sephetho sa Likwideišene kgahlanong le khamphani e tee le ditaello tše tharo tša sebakanyana kgahlanong le khamphani enngwe, Mra. Shabangu le maloko a lapa la gagwe bjale ka Batshephiwa ba *Roux Shabangu Family Trust*.

Khomišinare wa SARS Mra. Edward Kieswetter o boletše gore “dipoelo tša dikgopelo tše di lego ka godimo di šoma bjale ka mehlala ya SARS ya go rarolla ka go phunyeletša seširo sa khoporeite ka maitekelo a yona ya go phethagatša tagafara ya yona ya semolao ya go koleka tšhelete ka moka yeo e swanetšego go lefelwa go

ditšhelete tša naga. Segolothata, taelo ya kamogo yeo e filwego kgahlanong le Therasete ke ya bohlokwa ka ge e fa šedi ya SARS ya maitekelo a go ya go tšwetšwapele a go tiiša obamelo ya motšhelo kgahlanong le pabalelo ya Ditherasete tšeo di bego di dirišwa kudu bjale ka sedirišwa sa go efoga metšhelo. SARS e ka se tlogele tsela ya yona ya go šala morago ntle le go fiega, kgaugelo goba kgethollo. Ke holofela gore kgopelo ye e tlo thibela bao ba ikemišeditšego go latela tsela ye”

Go hwetša tshedimošo enngwe, ka kgopelo ikgokaganye le SARS go
SARSMedia@sars.gov.za